

卷三十八

書名 文潞公文集四
 十卷 嘉靖五
 年高陵呂氏刊
 本
 撰者 宋 文彥博
 撰, 明 呂柟
 校
 卷 卷三十八
 內容分類 集 別集- 北宋
 索書號 集部 別集- 3 28
 編號 D7220100

文潞公文集卷第一

古

聖駕幸太學賦并序

國家 寰宇昭泰仍歲登平務恢儒風以章示黎獻
 皇帝 備法駕幸于太學詔諸儒博士講論前典親
 臨聽 臣獲逢休吉之期恭聞偉盛之事舞蹈不足
 形容 誅誠不能述宣上德褒讚形容姑第樵夫之
 談 棘之韻爾詞曰
 炎 之四葉皇上御極之三年九有成若六合
 莫 踏于壽域文教燭乎永天朝無闕政野無

彩色首頁

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部 別集- 3 28

漢籍善本全文影像資料庫文本 文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

文潞公文集卷第三十八

舉官

舉李紱皇祐二年

臣昨准例奏乞國子監直講李紱改官簽署許州判官公事准中書劄子奉聖旨李紱與權忠武軍掌書記候一年與改京官者臣於李紱本非素舊承於衆議謂有文行曾應制舉久為學官輒露奏章乞除幕職於臣竊知人之美為國有育材之漸今紱自太學講官權授外郡掌記誠似屈其資望切慮紱以學職更例更須二年改官或聞自例自學官奏辟皆得改

授合入京官兼近歲陳執中奏辟翰真卿充陳州通判亦以較年限未滿特授集賢校理伏望聖慈以經在太學歲久文行為衆所稱特賜改轉合入京官簽書許州判官公事如改轉後本官犯正入已贓臣等同罪取進止

舉陳湜

臣奉勅差充永興軍一路都部署安撫使切見太常博士陳湜久在河東陝西差遣深曉邊事軍政欲乞差本官管勾永興軍一路都部署安撫使司機宜文字只理本官令人差遣資序右取進止

舉馮誥任允孚

臣奉勅差充永興軍一路都部署兼置制秦鳳路軍馬司公事緣秦鳳口近頻有番界事宜須籍經諳本處事體方幹官吏逐急差使一臣切見屯田郎中馮誥曾任秦鳳路都監及通判秦州首尾六年並准朝廷指揮令管勾番部公事深諳秦州東西路番情邊事本官見合入知州差遣臣欲乞差充秦鳳路置制勾當公事兼不妨本官待闕差遣亦無僥倖只候公邊置制稍有倫序却令發赴本任一臣切見太常博士任允孚自慶曆三年差管勾秦鳳路經略司機宜

文字及通判秦州至去方年替在彼十年深諳事體
臣今欲乞差本官管勾秦鳳路置制司機宜文字右
取進止

舉邵叔元

臣切見三班奉職李昌來臣處公叅云奉宣差權秦
州伏羌寨監押切緣伏羌是秦州西路最大城寨控
三都谷文嬴開兩路自來屯兵之處及體當西路事
宜全籍得力寨主監押兼向來多近上或帶職班行
充寨主今米寨主是殿直謝育又差李昌權監押恐
不能彈壓番漢公事臣勘會秦州三陽寨押監殿直

邵叔元在秦州差遣十餘年深諳彼處番情邊事兼
有心力欲乞就差邵叔元充伏羌寨監押勘會東路
治坊寨監押已及二年却乞差李昌權治坊監押取
進止

舉曹弼

臣切見秦州隴城寨監押侍禁曹弼好人材有膽勇
方略在秦州差遣首尾十年深諳邊情今欲滿替勘
會秦州寧遠寨在西路極邊兼寨主尹寶臣白到任
三年有餘欲乞就差曹弼充寧遠寨主取進止

舉張度

臣切見自來節度使赴任例奏薦得門客一名今有
大學進士張度孤寒有文行曾經省試下第在臣門
館多年况近制奏薦門客更不理選出官張欲乞待
賜一試街名目取進止

舉孟辦

臣切見提舉北京金新堤職方員外郎孟辦文學中
第庶幹在公恬於進趨確然有守加以素質才武頗
懷忠義曾有臣知其所能舉換右職伏望聖慈許召
赴闕量其人材特賜擢用

舉楊宗禮

臣切見右驥副使楊宗禮頃自廣南知州安撫却
監因言馬政先朝特召為郡牧都監到任已及三年
備見勤幹兼初壁畫右天廐坊充孳生馬監漸有倫
叙欲乞留宗禮再任藉其經度庶有成效取進止

舉錢長卿

臣等奉聖旨選舉官兩員與王存願臨編修經武要
略刪定諸房例冊及今本院都副承旨提舉臣等切
見著作佐郎錢長卿大理寺丞劉奉世各有學術勤
於編綴欲乞差充本院編修經武要略刪定諸房例
冊官取進止

舉李端卿等

臣切見權河北監使周華近丁憂去職本路馬政方有倫理切要素知牧事之官相繼整齊切見郡牧判官李端卿累經本司任使詳知坊監利害兼資序已深乞差免河北監牧使兼覩都官員外郎都水監丞張守處事精敏乞差權監牧判官如逐官向去職事曠敗臣甘妄舉之坐取進止

近知李端卿以家貧累重累乞外任都水監內外丞額外員數甚多必可減那此一員

舉劉庠

熙寧六年六月

臣切見龍圖閣直學士知太原府劉庠向為諫官屢陳讜議累經外任咸有美稱今領太原一道緝治兵防拊緩夷夏紀綱振舉人情悅服臣雖遙領河東與庠義切聯事知其善狀理合薦論伏望聖慈特與不次升擢仍令再任新貴方面得人朝廷增重取進止

舉范純仁

同上

臣切見工部郎中直集賢院知和州范純仁名臣之後世能其家忠義不回華流推服伏望聖慈召還禁近以備訪問必有正議仰裨聖政取進止

舉王大方

同上

臣切見供備庫副使安肅軍駐泊都監主大方勲臣
之後敏於從事累經繁使悉有美稱臣今保舉堪充
升擢任使

舉徐保伸同月

臣切見供備庫副使徐保伸累更邊任熟曉兵政廉
良謹厚不憚勤劇見任江南東路駐泊兵馬都監將
欲任滿伏望聖慈就差充河陽兵馬鈐轄替王臨滿
闕

舉呂公懋同月

臣切見都官員外郎呂公懋秉心堅正蒞事精敏勤

職安分衆謂滯淹伏望聖慈特賜不次升擢任使

舉蘇液同月

臣切見著作佐郎蘇液才次雋敏性質剛果昨在樞
府供職尋以臺章去官衆謂非辜事亦尋白伏望聖
慈特賜陞擢任使

舉張利熙寧六年六月

臣切見皇城使達州刺史衛州鈐轄張利一又更邊
任深曉事機求之輩流不可多得昨在雄州以不約
束屬吏致引惹生事原情實非已事然而料度虜情
應答邊機皆有倫理故北人頗憚而愛之今降為散

官內遷閑職北虜頗得其計邊人深惜其去伏望聖
慈體察早賜牽復知邊要州軍取進止

舉李師錫熙寧七年五月

臣切見河陽通判李師錫才資樸茂處事幹勤前為
陝西轉運判官深曉益馬之法切聞以議論寡合託
以慢公非時差替近又以前任按察之誤與轉運使
一例降官原情頗輕降奪差重伏望聖慈體察早賜
牽復取進止

舉蘇轍熙寧六年

臣今復蒙聖慈從欲均逸便藩當求時才助宣邦教

切見權留守推官蘇轍博通經術深知治體見任陳
州州學教授如臣所舉不如狀及犯正入已賊甘當
同罪取進止

兼河陽累有前例奏差學官近向經奏留教授
陳安民再任自後奏充國學直講本州見今闕

官

舉高惟幾慶曆

臣切見益州路提點刑獄高惟幾材幹明敏長於治
繁臣頃任河東都轉運使惟幾通判麟州用兵之際
供意百端悉能應辦昨任益州路轉運判官日適值

歲飢臣在益州首先勸誘人戶發粟賑濟遂請高惟
幾出巡外郡勸誘人戶出粟一如益州之法甚濟飢
民續扶可獎其高惟幾伏乞朝廷特賜陞擢任使以
勸勞吏如經擢用後本官犯正入已贓臣甘同罪取
進止

文潞公文集卷第三十八

文潞公文集卷第三十九
舉官

舉揚文舉

臣切見利州路提點刑獄揚文舉廉勤幹敏前年利
州路大飢臣累牒本官體量救濟備見用心集事以
致流民不致重困伏望朝廷特賜旌獎陞陟任使如
經擢用後犯正入已贓臣甘同罪取進止

舉田瑜

臣切見益州路轉運使田瑜才識通敏自到本路歲
月久未而辦集財賦吏張葵原皆有倫理今臣保舉